

Islam

Islam chilendero chakagara chiripo uye inzira yehupenyu yakakwana. Inokurudzira kuti munhu ave anopa kodzero chaiyo pahukama hwake neMusiki (Mwari). Inodzidzisa zvakare kuti munhu anofanira kutsvaka mufaro chairo wekupedzisira pamwe nerunyararo zvichiburikidza nekuva pedyo kwake naMwari, kutevera gwara rake uye nekuita mabasa akanaka.

Chiratidzo chikuru
chelslam pakusiyana
kwacho nezvimwe
zvitendero ndechekuti:
Zita racho haribvi pane
munhu kana rudzi

MaMuslims, vanokwana kuita chikamu chimwe muchishanu kubva pahuwandu hwevanhu pasi rose, izvo zvinoita kuti Islam inzi imwe yezvitendero zvikuru. Kutenda uye nekushumira kuna Mwari mumwechete wechokwadi ndicho chinangwa chehupenyu uye ndiwo musimbati we Islam.

'Islam' izwi rechi Arabhu rinoreva kuzvipira kuna Mwari ari oga wechokwadi. Munhu anozvipira muzvido zvake zvose kuna Mwari iyeye anonzi muMuslim uye anokwanisa kuva werudzi rupi zviro.

Misimbati mitanhatu yekutenda

1. Kutenda muna Allah (Mwari):

"Allah" izita rechi Arabhu rinoreva Mwari Mumwechete wechokwadi. Allah havana murwisi, kana mubatsiri, kana akafanana navo, kunyange vana kana vabereki. Haana kufanana nezvesikwa zvake, sezvo hapana zvinogoverana navo pahumwari hwavo kana pachimiro chavo. Mamwe emazita avo nechimiro chavo anosanganisira: Musiki, WeNyasha zhinji, Wekumusoro soro, Samasimba, Muyanani, Mungwaru, Mupi weraramo, uye Muzivi wezvose.

Ndiye Musiki neMupi weraramo kuzvisikwa zvose. Ndiye akatipa makomborero asinga verengeke, somufananidzo; nhengo dzatakapiwa dzokunzwa, kuona, kana kufunga nadzo, uye nekuva tinokwanisa kufamba, kutaura nekuita zvinhu zvine pundutso. Naizvozvo tinofanira kuzvigamuchira nekutenda uyewo nekushumira iye Mwari woga zvichiburidza nekutevera dzidziso dzake.

Mhedzisiro chaiyo inofanira kuva yekuti, Nyika ino yakadai kubatana uye yakaenderana haingakwanise kuvapo kunze kwekutoti pane Samasimba ane Hungwaru akaita kuti ivapo. Naizvozvo hadzisi pfungwa dzakarurama kana munhu achitenda kuti nyika yakazvisika yoga, kana kuti pane chitiko chakangoitika yakabva yavapo.

2. Kutenda muNgirozi:

Ngirozi dzakasikwa kubva pamwenje, uye dzine mabasa adzakapiwa uye hadzikwanise kusateerera Musiki wadzo. Zvizhinji maererano nedzimwa dzacho zvakatotaurwa, zvakanana neNgirozi inonzi: Gabrieli iyo yaienda nemashoko aAllah kune Vatumwa, uyewo neNgirozi yerufu iyo inebasa rekutora mweya yevanhu.

3. Kutenda mumabhuku akadzikiswa:

Allah akatumira magwaro anoera kuVatumwa vake ari segwara uye nyasha kuvanhu. Mabhuku aya, anosanganisira Tora neVhangeri akatumirwa kuna Moses naJesu, uyewo neKorani rakatumirwa kuna Muhammad (*Rugare Ngaruwe Kwavari vose*).

Korani ndiri shoko chairo raAllah uye riri gwaro rekupedzisira rakatumirwa kuvanhu vose. Kune zviratidzo zvakanana uye minana yakawanda inoratidza kuti rakabva kuna Allah, mimwe yemifananidzo yacho inosanganisira:

* Mashoko epasi rose, akanyorova uye matsvene anokurudzira munhu kuti abatisise kutenda kwemusiyiranwa kuna Mwari oga.

* Mutauro woga unozivikanwa pasi rose sedzinde remutauro chairo wechiArabhu uye nekutapira kwawo. Naizvozvo tinooona kuti Korani iri rakazarurirwa kuna Muporofita Muhammad (*Rugare Ngaruwe Kwaari*) uyo aizivikanwa nenhorondo kuti akange asina kudzidza.

* Ongororo zhinji dze Science dzakaongororwa ikozvino, iro Korani rakataura kare nezvazo kwemakore anodarika 1400.

* Kuchengetedzwa kworo kubvira pa izwi roga roga, sezvo rakadzikiswa nemutauro woro chairo wechiArabhu, izvo zvinopesana nemamwe magwaro ayo akakanganiswa, kuchinjirwa kana kurasika.

Tsanangudzo yakakura maererano nepfungwa yeminana yeKorani ndeye kuti rinokwanisa chete kuva shoko rinobva kuna Mwari. Richisanganisira nenhaurwa uye mabasa aMuporofita Muhammad (*Rugare Ngaruwe Kwaari*) ndivo mavambo edzidziso yelIslam.

4. Kutenda muVaporofita:

MaMuslim vanotenda kuti Mwari vakatumira zviuru nezviuru zveMaporofita, zvichireva kuti rudzi nerudzi rwakatumirwawo mumwechete, kuzoparidzira shoko raMwari. Vaporofita ava vanosanganisira Adhamu, Noah, Abrahamu, Davidi, Josefa, Mosesi, Jesu uye Muhammad (*Rugare Ngaruwe Kwavari vose*). Vakatumwa kuzodzora vanhu kana vave vanoshumira Mwari Mumwechete chete wechokwadi, kuva semifananidzo chairo pakuteerera Mwari, uye kutungamirira vanhu kunzira yeruponeso. Vaporofita ivavo havana mugowo wavainawo pahuMwari, nokudaro munamato uchaitwa kune mumwechete weVatumwa ivavo, kana kuti uchaitwa kuna Mwari kuburikidza neVatumwa ivavo haubvumirwe zvachose uye kutyora kodzero dzaivo Mwari dzokuti vanofanira kunamatwa ivo vari voga.

- Muporofita Jesu

MaMuslim vanotenda kuti Jesu akange ari Muporofita anoremekedzwa waMwari, akazvarwa nenzira yemunana na amai vake Mhandara yainzi Maria. Akaita minana yakawanda chaizvo nemvumo yaMwari, iyo yakafanana nekuponesa varwere, kuonesa mapofu, uye kutaura kwake ari kacheche achidzivirira amai vake kubva pamhosva yavaipomerwa. Haatorwe semwanakomana wa Mwari, kana kuva mumwe pahutatu hwaMwari, uye haana kana mugowo waainawo pachimiro chaMwari.

Mwari vanoti: "hazvifanire kuti Mwari ave nemwanakomana, kuremekedzeka ndekwake, akada kupa mutongo, anongoti 'Ngachitike' chinobva changoitika ..." Korani 19:35.

- Muporofita Muhammad

Muporofita Muhammad (*Rugare Ngaruwe Kwaari*) ndiye Muporofita wekupedzisira akatumwa kune vanhu vose zvavo. Akauya neKorani kuzoratidza maitiro idzidziso dzaro, uye akava mufananidzo wakakwana wemunhu anovimbika, anoyananisa, ane tsitsi nyasha, anotaura chokwadi uye akashinga. Zvakango fanana naJesu, maMuslim havanamate Muhammad.

5. Kutenda muzuva rekutongwa:

Zuva rekutongwa chitiko chichaitika apo mumwe nemumwe wedu achamira pamberi peMusiki wedu, achitubvunza maererano nezvemabasa edu akanaka uye neakaipa, naizvozvo basa rose ratakaita ringave riri diki zvakaita sei richabvunzwa nezvaro.

Pazuva guru iri, Mwari, Muyanani, vachatonga nyaya dzose zvakarurama, hapana munhu achatadzirwa. Kodzero dzose dzichadzorerwa kuvaridzi vadzo, Vachaenzanise pakutonga kwavo apo vachazopa mubairo weParadhisu kana kuti rushamhu rweGehena.

6. Kutenda muhurongwa hwaMwari:

Allah vanoziwa zvose zvakaitika kare, zvirikuitika ikozvino, uye izvo zvichaitika mberi. Mwari vanemasimba pane zvinhu zvose — hapana chinaitika vasina ruzivo nezvacho kana kuchibvumira.

Munhu akapuwa sarudzo kuti agova anozvisarudzira pakati pezvakanaka nezvakaipa, uye Mwari vanoizotonga maererano nesarudzo yemunhu.

Iyo sarudzo yakapuwa munhu haipesane zvachose nepfungwa yekuti zvinhu zvinongoitika chete neruzivo rwaMwari uye nemvumo wake. Uye hazvireve kuti simba raMwari pane zvinhu zvose rinodzivirira kana kuganhura sarudzo yevanhu. Ruzivo rwaMwari pasarudzo yevanhu harureve kuti varikumanikidzirwa kuita sarudzo yavo iyoyo, Mwari kazhinji havafarire zvose zvavanenge vabvumira kuti zviitike.

Mumwe munana
weKorani ndewekuti
harina kupokana
mukati maro kana
pakakanganiswa

Kana pasina zuva
rekutongwa hupenyu
hunenge husina
kuzanisa sezvo
havaizi vose vanowana
ruenzaniso panyika ino

Mapango mashanu Eku Shumira

Rusvingo rwehupenyu
wemuMuslim

1. Mhiko yekutenda:

Mhiko yekutenda iyi, kupa uchapupu kuti hapana wandichanamata pachokwadi kunze kwaAllah, uye kuti Muhammad Mutumwa wake. Izvi zvinofanira kubva mumwoyo wakagutsikana uine kutenda kwakadzama, zvichiteverwa nemabasa. Nemhiko iyi, munhu anoramba vanamwari vose vemanypeto, uye achitsigira kuti Allah ndivo Mwari chete vanofanira kunamatwa pachokwadi, uye achigamuchira Mutumwa wake wekupedzisira, naizvozvo anobva ava muMuslim.

2. Minamoto mishanu pazuva:

Munamoto unoumba hukama pahunhu nepamweya pakati pemaMuslim neMusiki wavo. Uye iyeuchidzo yenguva dzose inoyambira nezvemabasa emunhu ekuteerera Allah.

*Minamoto mishanu
inomanikidzirwa
panguva
yemambakwedza,
Masikati, madeko, zuva
richangonyura, uye
husiku pazuva roga roga*

Munamoto woga woga unotora nguva shomanana chaizvo, uchisanganisira kuverengwa kwendima dzemuKorani, kunyengetera, kurumbidza Allah uye nemaitiro akati kuti. Pakugadzirira munamoto, muMuslim ane nhengo dzemuwiri wake dzaanoshambidza dzakafanana nezvisvo uye nemaoko, kunova kuri kuzadzisa kushambidzika kwemweya nemuwiri.

3. Zvipa zvevarombo pagore:

Chipo chevarombo pagore chinomanikidzirwa kune muMuslim anenge akwanisa zvinodiwa zvakanana nekuva nehupfumi hunenge hwadarika pachikamu chakatarwa. Zvikamu zviviri nechidimbu kubva muzana, kubva pahupfumi wemunhu zvinopiwa kune avo vanofanira kupiwa vakafanana nevanotambura, avo vanoda rubatsiro, kunyange avo vane zvikwereti. Chipo ichi chinochenura hupfumi hwemunhu uye chiine zvinhu zvakanana zvinobatsira mupi uye mutambiri. Rubatsiro rumwe nderwekuti chipo ichi chinodzora gwanza riri pakati pepapfumi nevarombo, izvo zvinaita kuti munhu wese akwanise kuwana ndaramo.

4. Kutsanya pagore:

Gore roga roga mumwedzi weRamadhan, maMuslim vanotsanya kubva panguva yemambakwedza kudzamara zuva ranyura, apo vanozvinyima zvekudya, zvekunwa, uye vasinga sangani pabonde. Izvozvo zvinochenura mweya, zvichidzidzisa kutsungirira uye zvichibatsira zvikuru pahutano.

*Mwedzi
weRamadhan
mwedzi
wepfumbamwe
pakarenda re
Islam*

5. Kushanya:

Kushanyira guta rinoera reMakkah, munyika yeSaudi Arabia, irwendo runofanirwa kuitwa nemuMuslim kamwechete pahupenyu hwake, ndokunge aine hutano uye nehupfumi. Rwendo urwu runoitika gore roga roga mumwedzi

wegumi nemiviri pakarenda rechi Islam, ruchibatidza vanhu vose kubvira kumarudzi, zvinzvimbo uye nemakore, apo vanosangana vose mukushumira Mwari mumwechete wechokwadi. Rwendo runokosha urwu runosanganisira zvakanana zvakanana nezvipiriso, kushanya, nekunamata munzvimbo dzinoera dzakasiyana-siyana. Kuita zvakanana kunosandura hupenyu, uye zvichinipisa munhu, zvichiita kuti vave vanhu vanotsungirira uye vanotenda.

*Vashanyi vose vanopfika
zvakanana uye
zvirinyore izvo zvinobvisa
pamunhu nyaya
yechinzvimbo nerudzi
kuitira kuti vave
vakaenzana pamberi
paAllah*

Pfungwa ye Kushumira

Basa rose rinofadza Allah

Pfungwa yeKushumira yeIslam haigumiri badzi pamapango mashanu. Kushumira izwi rinosanganisira mabasa ose anoitwa anofadza Mwari. Mabasa anoitwa nemunhu zuva roga roga anokwanisa kutorwa seKushumira Mwari kana munhu amaita akachenura chinangwa chake nekuva nechokwadi chokuti basa raarikuita rinoenderana nezvinodiwa naMwari. Mimwe yemifananidzo yacho inosanganisira kunyemwerera, kuva munhu akanaka kune muvakidzani wako, kuva nerutsigiro kumhuri yake, kuvimbika, kunyange kubvisa marara munzira. Zvinofanira kuzivakanwa kuti Allah havadi minamoto yaani naani wedu, asi kuti isu ndisu tinoda Allah, uye minamoto yedu inobatsira isu.

MHEDZISIRO

Dzidziso dzataurwa pamusoro maererano nokutenda uye nemabasa ekushumira zvinoumba kukosha kwelIslam. Kana dzikateedzerwa, Islam inozadzisa zvido zvevanhu zvepamweya, pamuwiri, papfungwa uye nemuchita, uye inzira yohupenyu inoteedzereka yakakwana. Pamusoro pezvo, Ndiyo chete nzira yehupenyu inotambirwa naMwari, uye ndiyo nzira chete inotungamirira kuhupenyu usingaperi hweku Paradhisu.

"Kune wese achaita mabasa matsvene, mukadzi kana murume, iye ari mutendi, chokwadi tichaita kuti ave anorarama hupenyu hwakanaka, uye chokwadi tichavapa mibairo yavo [pahupenyu hwemangwana] zvichienderana nemashindiro awaita ..." Korani 16:97

MUCHIDA KUZIVA ZYAKAWANDA UYE MUCHIDA ZVIMWE ZVITIDZIRO ZYAKADAI

p (+61) 3 9354-7500 w islamicpamphlets.com e shareislam@gmail.com

Zvitere maererano nerubatsiro (bollar roga roga rapuwa serubatsiro rinogadzirisa nhaurwa dzakaita seidzi dzinokwana gumi nedzishanu)

Zita rebank: Commonwealth Bank Account: Pamphlet Project Australia
BSF : 063620 Account: 10532332 Swift (International): CTBAAU2S



Maererano nezve
Islam

Nhanganyaya
Muchidimbu

Dziedza zvidzidzo

Zvemavambo

islamicpamphlet.com